

The knee replacement

My knee was operated on a couple of years ago, and the surgery was a resounding success.
If you're offered knee surgery, don't hesitate!

Puir auld Davie, what a shame;
shauchlin, hirplin, awfy lame.
That's the wey folk thought o me,
but by jings, what a chainge they see!

(Repeat the last two lines of each verse.)

I crept, half crippled, auld an grey,
but then there came the happy day
an invitation came tae me
tae go an get a brand new knee!

Tae the Infirmary I sped,
an when I woke up in ma bed,
a better future noo I faced.
The knackered knee had been replaced!

And no long efter gettin hame
I fund I wis nae longer lame.
A wee bit practice did the trick,
an suin I walked withoot a stick.

And aye ma mind wi wonder fills,
tae think that surgeons hae sic skills
that folk like me can feel sae weel
wi knee jints made o stainless steel!

Sae if a dodgy knee ye hae,
I'll tell ye noo what ye should dae.
Tae free that knee fae constant pain,
get a replacement o yer ain!